

古

微

持行政 編故存至毛公為故訓傳乃分眾篇之義各置于其篇端 則毛公名義而不名序明矣又絲衣序云繹賓日 **云有其義而亡其詞鄭箋謂遭秦亡其義與眾篇之義合** 一家亡而毛傳然毛之本義固不盡傳于天下夫毛之釋 不見于史記漢書卽毛傳亦絕無序字惟笙詩六篇傳 靈星之尸也鄭志答張逸云高子之言非毛公向後 非傳乎其統傳者非序乎輔傳者非箋乎攻詩序之 毛詩義例篇上 漏之一 上規之二 通論毛詩 厂也高子

宏作毛詩序善得風雅之旨而成伯璵因以今序首語次 F. 近世惟休常戴氏震詩經補 時之高叟則不得鄭志之讀而曲為之說惟後漢書稱衞 著之孔疏亦謂子夏作序惟首 增益 其失毛義十之四五後人概信而概皆之遂以交非後其失毛義十之四五後人概信而概皆之遂以 宏故其箋詩雖間用韓詩故訓以弼毛傳而其大義異 經而界傳予謂欲明毛詩本旨必正義與序之名而後 行附益者衞宏所續之序明矣發毛詩之通例者乃 為別則今序首句與笙詩一 [無之凡異于毛叉非三家者皆徇衞序為] 例者毛公師授之義其下 鄭君古文尚書之學出 句然叉謂高子卽孟

開章大義然序首但日關唯后如之德也所以風化天下 事以明之干古皆謂毛詩以關雎爲后妃求賢之詩豈非 別焉而後可以風化天下叉日后如有關雎之德是窈窕 君子之德無不和諧叉不淫其色慎固幽深若雎鳩之有 得失亦必先辨其非毛非韓之續序然後可請列十 正夫婦也傳日關關和 后妃之德明為求賢妃之詩無 事宗廟鐘鼓樂之言德盛者宜有鐘鼓之樂始終 淑女宜爲君子之好匹后如有關雎之德乃能共 || 上編之二 通論毛詩 鄭之詁訓而 聲雎鳩摯而有別言后妃說樂

當屬得關后淑 和眾妾之怨者助已共祭祀之職孔疏因改序中關雎 女即后妃至鄭箋遂訓左右爲佐助謂后妃欲得賢女能 御自 淫其色哀窈窕思賢才而無傷善之心然其意尚以 淑女為后 而于大序中增入關雎 哀關 君子于 衞 不得續序之意序四年詩人明出二手且至 宏因毛傳中不淫其色以傳會于論語哀樂之 妮 樂得淑女毛傳旣不得夫子之意 乖陽續序又 樂得淑女以配君子憂在進 得毛傳之意思以 求賢姓烏馬三寫原外鄉破哀為夷又背為 為其地 一豈知與 **又與序樂** 背樂則屬 淑

謂 于二十 舅姑接見 證其為后此之婦道 人為紘 采葛爲君子之衣令君子服之 序誤 嫁爲歸 〈涉其失 訓爲 時標梅求其庶士之 于宗 ||上編之二 為簡本則 經命婦成祭服復引婦 泥 則是 嫁 毛傅中婦 廟進見于君子復 由途并全詩為 訓豈有復發歸 而安其父母之心而蔡邕 也 灯 葛覃后 有復發歸聞之上何爲追溯之 而非女道緇衣引服之無駁鄭 人謂嫁日 通論 后如在父母家之 歸 不 引父 人有 詩次周 () 厭 則 母在 傳引王 副離盛飾以朝 韓詩亦與毛 和為歸訓 則有時歸 之遂有葛 Ξ 事 織 且 灭 圍 同

卷耳之應則是與草蟲同義寘彼問行用左氏官人之 我屬后妃則全詩一 謂思君子官賢人置周之列位則亦以懷人爲思君子而 **耳后妃之志毛傳首章但言憂者之** 經不詞且與昏義女子恥去之義殊而后妃之志荒矣 北年是篇又力主嫁安父母之說可謂不顧其安矣卷上陳啟源謂標梅若爲女子自言則有顏厚之失而是 上篇鐘鼓琴瑟明為旣歸之後豈次篇反為未嫁之詞 我馬卽君子之僕馬也維以不永懷卽嗟我懷人之懷 下章金罍為人君之制則是憫君子目前行役之苦我 一佝屬父母之 例蓋首言欲得賢臣可代君子之勞 詞豈后如不若南國之女 2興而以召南草蟲 訓

后妃專一之志哉且二南鄉樂篇各相配鵲巢爲關雎之 臣下之事后妮叉安得而我之哉若以首章我后妃次章 之三與關雎之三無一 應采裝為葛覃之應草蟲爲卷耳之應若如續序則鵲 之章哉旣以首章懷人為思君子又以永懷為懷使臣豈 我之哉觥罍燕勞之禮自在皇華四壮之篇且亦文王接 **熊馬敦使臣觥罍我文王一簡之內諸我循環有此言志** 應也傳以爲興則是以麟之信厚興文王之公子而 一僕馬后如得而我之使臣之僕馬后如安得 上編之二 八毛小異亦詳波篇 失三也麟趾序云關南義例篇又齊韓詩失三也麟趾序云關 相應而卷耳之義反與四牡皇 通論毛詩 y

槃序刺莊公也傳釋示矢弗告為無所告語則不過賢材 麟毛傳安有斯意疏亦疑之云使天下無犯非禮乃致公 毛傳亦無幾微不安其室之意續 厚如麟趾之時箋謂喻今公子亦信厚與禮相應有似于 **丁信厚是公子難化于天下失四也凱風序云美孝子也** 書宗炳文傳日冤罝潛處考樂未臻側席邱園良增 詔漢碑漢詩俱引以頌母儀者不合衛咨問失五也考 隱之思故孔叢 行不安其室之說與毛傳不合與孟子趙岐注不合與 序云關雎之化行則天下無犯非禮雖衰世公子皆 子曰于考槃見遁世之士 序傅會衞詩而爲淫 一無悶于世也 風

公也正穀 以克為文明鄭伯志在于殺難言出奔故傳謂之鄭志 義必自斃不義 詩古微 序反 過君之 氏知 與其 权 莊 梁所謂處 上編之二 朝誓不告君以善失六也將仲子 陳 能繼先公之業 小不忍以致 不暱厚將崩伏虔杜預皆言段實出奔而 者 啟 義何成 刺 | 與盧令之其人 心積慮以成于殺左氏所謂多行不 莊 其惡 曲 公正 平 續序 匡衡 陷之 通論毛詩 ||以喜兵好 于謂死莊 亂然 闑 笺遂謂誓了 伯 則尚嫌其除段之 公未嘗忌段未嘗 役 斥公穀為 好勇而國 而其弟化之 同 1 詩序刺班 忘君之 人暴虎

往 武吳之季札皆以賢弟得眾春秋何嘗責其君乎失八 東門之池亦皆序云剌時十畝傳云閑閑焉男女無別 而歌其為刺男女時俗之詩 狐著東門之 則造為其國削小民無所居之說于東 刺時者十有 女以配其君鄭因改訓晤爲對以 刺莊公之不能備弟乎魯之季友宋之子魚衞之 國 2貌或行來者或來還者東門之池傳云晤遇也相 之風係 楊澤陂皆男女之詩而魏風十畝之間陳 人之本者續序不達徒以 篇自園有桃鵠羽外如靜女氓伯兮 **望可見續序不察于** 段得眾為 篇則造 业权

子こと 志之 美桓叔之德廣博平均不偏黨詩亡而春秋作 說鄭箋因謂衡 門序誘僖公也傳云 | 上編之二 子見沃之盛殭能修其政箋又 言則詩作而春秋亡 樂道忘飢也 聊序云刺晉昭公也續序欲 鼠夫安知非斥貪吏 **禾為門喻** 通論毛詩 碩 衡木為門淺 則是 而亂臣賊子喜乎 (者無所求于 陋 而必以 可以 游息 刺

流言近則王不知而能不失其聖則是刺成王 續序不達是義直謂幽公游蕩荒淫鄭箋遂改毛訓以 周公也而傳以公孫美成王·則是君德之成就正見元聖 斥幽公傳得詩意乎序箋得詩意乎失十四也很跋序美 水喻人君愿慤則當用人毛傳有是意乎詩人有是意乎 下之游蕩小國政之怠荒所謂一國之風繫一人之本者 格心所謂王功日勳者續序乃謂周公攝政逭則四 不當以公孫美成王矣鄭安得不改毛訓以 也宛邱序刺幽公也而傳以子指大夫則是卽臣 ·以美周 御序說乎

惟見于續序者如蝃蝀相鼠干旄之為衛交公氓為衛宣 之序為桓王以就之矣以邱中有麻為莊王則王風終子 平王故春秋作于平王之末不應有平王後詩矣失十六 以冤爱為桓王則前後皆平王詩崔靈恩至改下篇葛藟 公遵大路為鄭莊公鵠羽為晋昭公世皆毛無明文王風 衰詩人作刺之語謂懿王烹哀公變風始作豈知王室刺 詩自在變雅故匈奴傳云懿王時王室遂衰戎狄交侵暴 一齊風首雞鳴為哀公鄭譜又傅會史記懿王時王室遂 宣王雅中有追刺懿王之語 計分 世 中國中國被其苦疾而歌之日靡室靡家玁狁之故則

無 公不關王室何得云王室遂衰詩人作刺先王陳詩觀風 崔集注本始有之鄭譜又以蜉蝣以下四詩皆其公時作 失實失十七也曹風四詩釋文蜉蝣序下諸本無昭公字 衞鄭齊晉素陳曹世家故各傅以惡諡至魏僧之無世家 當是刺哀公特舉上以明下耳試問魏風七篇槍風七篇 以美刺為黜陟豈必衰世始有變風耶著及東方之日東 襄其閒八世未審所刺何君孔疏則以三詩皆在還詩後 方未明三詩則續序亦不言所刺之人孫毓以爲自哀至 則但仍毛以爲刺其君其大夫以此之蹈虛則知前之 1 諡號又舉何上篇以明之耶蓋續序不過因史記有

汽無定說然下泉思治也正傷小國而望方伯之救續 詩古後 亦非片言所能易故雅頌世次之失毛自失之失于例也 歸稍失毫釐頓歧燕郢至雅頌詞質而肆不藉序以明而 乃罪曹共公刻削其民非詩義而并非時勢失十八也凡 此皆風詩之失也蓋風詩寄與無端惟藉序之一 古甚至雨無正篇以韓詩雨無其極首語得名召 如旱麓行葦惟知塗附于膚詞楚茨大田惟知强贅以 義之失難知而例之失易見故雅頌之續序其失者不過 國風之失以文害詞以詞害志則說毛者失之失其義 天疾威首語得名續序强說之日雨自上下者也眾名 上編さ二 通論毛詩 言為指

殉古 您自 也· 為包 如 朝 若 害國頌椒 雨. 滅所綱授 前 事 斯之 **古今民當求明** が泉 非所 條舉 [月怨役] 心命非民 更姓 倫. **如童角乃皇后之** · 搜袋示言: 聊之 雕圆 而 詩人臣之 外如 為政也日見閔也閔天下 桓 斥先 求從古 經義特失之 叔· 亦旣 古人于地下苑柳相戒言王者 為非 南不 觏 止引男女之 愚而已若夫 窮 除牆莢之淫昏反違 ·毀室誅周公之黨與 箞 札 **笺**箋札 云說問 黛蟾烏 姓 ·構精言從之邁 無如召公之臣 后如與世子偕 鄭美拘閔 爱 不自 前数 天 日 美 圖

則知三家固毛之益友矣雖然那序祀成場而傳以烈阻 惟知誣毛以申鄭何暇匡箋以翼毛知序箋半毛之惡為 **采獲于毛韓其失者非核駢于衞序卽波沿于緯候孔疏** 傳有不可强合者焉 爲湯有功烈之祖揚孫謂揚爲人子孫則序之首語已與 时古微 上 場之二 通論毛詩 一數美襄之姆傅後儒類能正之其得者則左右

涤消說人也選注 于陳風以心焉楊楊爲說人于齊 或日毛詩家必守美刺為詩人本意者蓋恐妨無邪之旨 云楊楊愛也部云韓詩以心馬楊楊為院入故言愛各詩辞君尊句與毛傳目喻人君月喻人臣異爾雅釋訓各詩 也則請先徵之三家詩再徵之毛詩考韓詩廣漢說人也 疏引亦日今論說鄭俗有療洧之水男女聚會謳歌相感 班固本魯詩說改其作地里志亦用之而計愼五經異義 男女錯穕爲鄭聲以相說懌故邪僻聲皆淫色之聲也此 日虎通義日孔子謂鄭聲注何鄭國土地人民山居谷浴 云彼嫁者子詩人言所說者颜色美盛若東方之日以選 通論毛詩 H 風

詩說,亦人者儿篇無十字矣 周禮大司樂凡建國禁其君無以亦從許養孔疏日今鄉周禮大司樂凡建國禁其整治也經案以下乃許君審定二說而從今文說也鄭 説婦人 **淫哗過** 之聲使准過矣謹案鄭 之節凶聲者桑閒濮上亡國之聲賈疏云鄭則緇衣之詩 一下行 凶聲慢聲鄭注 則三 舒一 術之詩云期我乎桑 日淫聲若鄭衞也過聲失哀樂 篇 舉桑中正也也簡則三 衣詁 說婦人者十 訓 中之類 九故 是 鄭 躏 丠

皆無邪而必爲刺邪也毛詩野有蔓草序爲男女思不與 詩右散 上海之二 通論毛詩 之性荷喻所說女之色言我思此美人當如何而得見之 衞文齊桓鄭武秦襄一例矣豈聖人美亂臣賊子乎若謂 若如諧家說果以邪者當刺無邪者當美其美其刺皆好 是毛詩序箋之例亦未嘗以詩皆無邪而盡出于刺邪也 存以示戒則又作詩有邪編詩無邪之切證是毛詩又并 相會東門之墠箋為女欲奔男之詞澤陂箋蒲喻所說男 思乎無邪之思乎純以毛例宜美宜刺宜刪宜存乎如謂 武公本無可美特其臣美之則大夫黨奸助迎爲有邪之 惡與聖人同則唐風無衣序云美晉武公也宜與美衞武

後有欲强誣毛詩美刺無邪之例春幸先以無衣蔓草諸 **卯其言則與無衣之詩皆邪黨也其詩邪詩也曷云無邪** 歸之嚴粲謂京城私黨諛叔爲美仁猶河朔謂安史爲聖 已見之者也叔于田序謂叔段在京繕甲治兵國人說 序說美武公請命為一 未嘗以詩皆無邪而必出于刺邪也呂氏大事記暴列武 粲于此不能分明下 公五大罪深咎釐王之納賂不討及著讀詩記則又曲徇 解語以申全經美刺之例而徒曉 節可取矛盾自陷甚難實非嚴氏

或日後儒必守美刺無邪之例放鄭聲非放鄭詩者以鄭 宜子所赋而垂隴之會伯有賦鶉之<u>黄</u>賁趙孟謂牀笫之 風寒裳風雨蘀兮有女同車見于昭十六年鄭六卿餞韓 中聲所止可合于韶武之聲如子皮賦野有死腦之卒章 本謂出于淫者自賦則邪出于刺淫則無邪故三百篇皆 言不踰闊是賦詩不專斷章可見所賦必非男女之詩也 與 日以鄭風為刺忽刺淫與否皆吾所不敢知至以鶉賁一 證賦詩不專斷章則自亂其例之甚者也夫美刺之例 期相遇之詩視此刺淫更邪而宣子善之國語叔孫 刺淫何異而趙孟謝之子齹賦野有蔓草序謂男女 枚 上編之二 通論毛詩

賁何吳而 权向從之豈淫詩或可斷章或又不可斷章耶 之無民我以爲君孔疏謂伯有賦此有嫌君之意而禮記 趙孟退謂权向明云伯有將為戮矣詩以言志志誣其上 穆子賦匏有苦葉序謂刺宣公夫人烝夷姜之詩更與鶉 賦詩不可斷章則六卿餞韓宣子所賦蘀兮有女同車 韶武中聲無邪之思能合乎三百獨不可合此! 伯有曷嘗戲言而趙孟退告叔向又曷嘗及其戲言乎且 亦引此爲君命逆則臣有逆命之證是趙孟之先託詞于 而公怨之以爲賓榮其能久乎杜預謂伯有賦詩義取 一詩耶觀

序謂刺忽之詩鄭伯如晉子展賦將仲子亦序刺莊公之 作奚翅獻武具敖之諱意無翹過失言之誅又何謂也謂 聲相反耶且詩三百篇旣皆中聲所止可合于韶武之音 音趨數煩志齊音敖辟喬志此四者皆淫于色而害于德 慢聲何耶樂記子夏日鄭音好濫淫志朱音燕女獨志衞 淫泆之淫則周禮樂師凡建國旣禁其淫聲又禁其過聲 鄭聲非鄭詩謂鄭聲淫是淫過之淫非如許君鄭君所說 雅碩之音理而民正鄭衞之曲動而心淫何又與韶武中 是以祭祀弗用也此亦謂非淫佚之淫否耶史記樂書 寺に牧 則是可用于祭祀燕享謂賦詩不可斷章則又可施于祭 上編之二 通論毛詩 占

聲則季札何以聞聲而譏政子夏何以謂祭祀有弗用耶 是禁其細而許其大嚴于明而濫于幽且奏之皆韶武中 吾故日賦詩或篇取其章章取其印句取其字也奏詩則 變風止列于無算樂不列于宗廟正歌而鄭衞淮詩則祭 賦可以欺鬼神不可以欺賓客耶矧春秋列國賦詩磼取 陳詩以觀民風行慶讓于列國之哀怨流蕩者其將匿之 之例是播之樂章尤重于賦詩十倍今謂可奏不可賦則 祀無算樂亦弗用況可合于韶武之音耶使有王者迎 倫而歌詩奏詩則未有及變風一篇者正符祭祀弗用 不可施之于燕享豈同是鶉實 一詩不邪于奏而邪于 詩古做 詩之賞罰為美刺以編詩之鑒戒為美刺使誦其詩者如 溱洧其于鄭衞之君將賢之乎抑歎惜痛恨之乎夫惟 詩亡然後春秋作彼夫人姜氏會齊侯于燕子祝邱于防 先王之賞罰顯陟臨其上而思無邪之義與天地終始焉 **史序詩上奉先王之典訓以下治其子孫臣庶于是以陳** 不陳乎抑陳而讓之貶之削之乎後世誦詩論世至桑中 宏爾商臣弑君不當書于春秋之策乎後有欲强誣毛詩 謳詠之集遂恐變風出于自作則妨于無邪何異唐太子 世不知詩爲先王陳風觀民巡守黜陟之典而等諸儒生 于穀與桑中溱洧何異聖人備書之于策邪乎不邪乎後

詞證明蓋以恃為主而詩從之所謂與之所之也以意逆 夫緡巒黃鳥止於邱隅而子曰於止知其所止可以人而 志者志得而意愈鬯故其後為傳注所自與與之所至者 意逆志也賦詩與引詩者詩因情及雖取義微妙亦止借 詩正樂於是齊簡學者有說詩之學然說詩者旨因詩起 即旁通觸類亦止依文引申蓋詩為主而義從之所謂以 不可賦賦詩或斷章或不可斷章之故通其義例馬 美刺無邪之例者幸以變風可陳而不可錄淫詩可奏而 自國史諷詩述志于是列國大夫有賦詩之事自夫子錄

The state of the s

詩者之法也引詩則不然維凝降神生甫及中在宣王之 詩古赏 世而記禮者引爲交武之德夙夜匪解以事一人仲山甫 平貧富素以爲絢商會于禮後唐棣懷人而借以言學 風 言服而取其惡文子思之鳶飛魚躍也孟氏之小舟凱 也觀其會通博其旨趣何莫非左宜而右有也此皆說 灣則歎其知道烝民物則又歎其知道如切如磋賜**幸** 而以為孔子之遇戎狄是膺荆舒是懲魯頌僖公而以 詩而左氏引爲孟明之功憂心悄悄慍于羣小邶風柏 而行不知年數之不足倪馬日有孳孳斃而後已桑戶 上編え二 通論毛詩 一如此鄉 臨深淵如履薄冰善人在上也善人在上則國無幸民宣 攻羣盜奔素則日禹稱善人不善人遠詩云**戦**戰兢兢 蛇委蛇謂從者也衡而委蛇必折棄七羊舌職美士會為 逆命則引鶉之賁賁人之無良我以爲君論口惠而實不 所載如叔孫穆子譏孫文子公登亦登則日退食自公委 爲周公之事是可不計采詩之世也表記論君臣之順命 至則引言笑晏晏信誓旦旦不思其反季文子餞韓宣子 論大國信義威懷則引女也不爽士貳其行士也罔極一 一其德皆引淫詩以證正議是不必問作詩之事也左傳 1

其詩曰公侯好仇一年是引詩者與詩人之意可以違反 乖刺也至若諸國大夫賦詩之義則子展賦草蟲而趙孟 惟躬是瘁可以能言巧言如流俾躬處休此之謂乎 子展其後亡者也在上不忘降襄二 郤至釋冤宜之詩則曰天下有道則公侯能爲民干城 制其腹心亂則反之略其武夫以爲已腹心股肱爪 年元是賦詩者之心不必用作詩者之本意也是故定 鶋 如蘩大國省穑 之卒章而趙孟 || 上編 無後故殃咎及之詩云哀哉不能言匪舌 **さ** 而用之其何實非命 |日吾兄弟比以安厖也可使無 通論毛詩 穆权賦采蘩而

後之說毛詩者吾惑馬執引詩之說以說詩如素絢之詩· 之詩又恐其廢思而刪之以文害詞以詞害志奚啻高叟 則謂其質勝而刪之尙絅之詩則惡其著文而刪之唐棣 **啻高叟之固矣夫說經述古不過如爾雅釋淇奧切磋而** 求賢審官之作說關雎則附會夫子樂不淫哀不傷之語 則據孟子之稱孔子以為仁人不遇之證以是說詩又奚 以為憂進賢而不淫其色哀窈窕而無傷善之心說柏舟 「賦詩斷章余取所求馬古人稱詩之法不旣昭然矣乎 (年左氏日靜女之三章取形管爲襄二十八年盧蒲癸 固矣且說卷耳則執左氏周行官人之一言以爲后妃

羝 也 匏有苦葉之賦刺淫與鶉賁不合采菽黍苗瓠葉之賦樂 證詩有時又不用賦詩之事證詩如野有死麕野有蔓草 File 典 之說而取之是據燕說而證郢書也有時執賦詩之事 八離合馬 刺 一後有欲執 幽 上編之二 通論毛詩 不合則述毛者絕不道及是揜耳之鈴觸藩之 四牡懷和周 切斷章之義為本義者幸以 諏而 國語之類若 た石 所臚各條 並引詩

太師以· 用之而毛傳止標與體不及比 與者當時所見有動乎中非後人所得知而關雎 取義者皆比而非與集傳本之以無取義者爲與 因以 子美之取其雌雄之 主璧金錫澣衣席卷為比此循一、毛傳止標與體不及比賦毛傳 六詩教國 如劉 此 別毛者也二 さニ 所論則非**也**後儒兼言比 三家詩證之淮南子 通論毛詩 日風二日 說孰是日毛之言與是也 毛指也蘇

詩皆以取義爲與之明徵也至若毛傳有與無比之例則 恩榮相覆與毛與異以振鷺辟雍與學士之絜白此三 **紽與絜白之性柔屈之行進退有度數以蝃蝀與邪色乘** 猶采而不已又韓詩以漢神游女與之子以羔羊素絲五 陽以東方之日與所說者之美盛以夫移之鄂祔與兄弟 子大之取其得食而相呼也說苑曰鳴鳩之所以美其子 人傷其君子求已不得發憤而作以事典芣苢雖臭惡我 也光也周禮太師注 不然夫與之爲言起也作也發也動也比之爲言例也 一心也君子之所以理萬物者 鄭司農日比者比方于物與者 儀也韓詩章句日詩

美嫌于媚諛取善事以喻勸之則是以物象發起其正義 發動者何訶乃概濫爲與而不謂之比乎兼葭亦通篇皆 託鳥言鶴鳴穕設諸喻蒹葭不言本指所與起者何意所 而知鹿鳴之爲相呼若全篇純譬而已志不彰如鴟鴞純 謂之典如誦淑女君子而知關雎之爲有別誦嘉賓燕樂 在此所志在彼或景響什九形聲什 之比韓詩以雞鳴蠅聲相似喻讒人之亂耳以靜文爲 與者非也推之黃鳥碩鼠亦鴟鴞之流文王曰咨則陳 情欲以歌道義以及綠衣匏有苦葉椒聊之屬或所言 物比見今之失不敢斥言取比類以言之與見今之 |||上編之二 通論毛詩 皆所謂比而非與 上

類正以上梁王書旁徵曲喻無徑直之情同騷人之比故 賦而不謂之比乎鄭譜言問公居東都思公劉大王居幽者尚可為比之隱者為典可謂倒其詞矣況全篇有譬無 之職憂念民事至苦之功以比敘已志太師述其志知其 主意于幽 自比而可謂鴟鴞爲與乎太史公言鄒陽之詞比吻迎 過紋離騷經云離騷之文依詩取興引類譬喻善鳥香 配忠貞惡禽臭物以比讒佞靈脩美人以娘于君宓 公之事故爲豳風則是七月鴟鴉二詩周公皆 子以爲比則是與之隱

岩與甫賦雲蠶旋陳道德者同科可乎不可平變雅變風 賦多于與與多于比世衞亂情瘉鬱則詞瘉幽于是微詞 **鷙賦非賦蠶也雲賦非賦霊也是爲不言之言罕譬之譬** 是比體創于詩而大鬯于騷人若易其詞曰以美人與君 之對隱語之 作于東西周之際先王遺澤未如戰國嬴素之盡斬故猶 (水深雪雾為小人思以道術相貽于時君而懼不得通 、張衡四愁詩序云屈原以美人爲君子以 一珍寶與仁義以水深雪雰與小人同乎不同乎荀卿 | 上編之二 通論毛詩 諫與騷賦之比始並盛于時故日國風好色 、珍寶為仁

無罪而聞足戒則比優于與與優于賦孔子日諫有五諷 諫順諫窺諫指諫迫諫吾其從諷諫乎比與之謂也若之 爲比則知比與之義三家不盡同毛矣毛於螽斯殷其雷 毛以為與而韓以為賦漢廣雞鳴靜女毛不謂比而韓以 由而託之乎是故芣苢羔羊毛不言與而韓以爲與伐木 也而詩騷不作焉并比與而亡之也是故主交而譎諫言 詞微其稱名小而其指極大舉類邇而見義遠豈非以離 小星燕燕日月鶉之奔奔蝃蝀揚之水東門之墠碩鼠破 緊皆萬怨誹于好色之中比多于與與多于賦平素之亡 使後之孤臣雙子逐婦有不能自將其情者何

葢大雅三頌皆純賦體其涉與者惟棫樸卷阿振鷺三頌 故周禮及大序皆以賦比與列于風詩之下而比賦判然 不倫惟與界乎二者之間故毛惟區別與體明此外之皆 知傳本有與字而脫之亦必有傳不言與而後增之者矣 斧伐柯魚麗無將大車諸傳皆明言其取義而無與字則 衣皆言匪文皆直賦義匪更端特屬詞之末節豈六詩之 斐之君子旣圭璧金錫皆言如紋憂心之貞女旣石席澣 義亡其一 大體平有毛本非與而箋强鑿爲與如河廣衡門鳧屬之 一賦不待言也自鴟鴞鶴鳴蒹葭諸篇皆有與字于是六 上編之二 通論毛詩 劉勰文士遂以字何形容者當之豈知詩美有 Ē

賦如東門之墠箋爲男女之詞伐木丁丁箋以文王爲義 屬則當別鄭于毛者也義為毛義有毛以為與而鄭以為 根抱母九段之鴻北向則不南與公歸之不復則義類孔 與皆閡而有待于後人如相鼠之師拱而制禮蓼莪之蒿 此當舍毛從鄭者也至若毛與如此鄭典如彼或毛鄭取 智隨見舉隅而引申觸類而長悟以爲後之君子亦

名其體宏用博矣而漢儒以四始之說媲之魯詩一說韓 大也曷言皆三篇連奏也古樂章皆『詩爲』終而奏必 用之詩皆局公述文玉之德皆夫子所特定義至深道 例奚關大義葢嘗深求其故而知皆三篇連奏皆上下通 雅始文王為大雅始清廟爲頭始烏乎何書不有發端體 魯詩之義明之司馬遷曰關雎之亂以爲風始鹿鳴爲小 五日雅六日頌而六義與馬故季札觀樂已分風雅頌之 **周禮太師以六詩教國子** 說毛詩一說齊詩一說後人無一能析之者請先以 四始義例篇 一日風二日賦三日比四日 手語

之裘領禮樂之綱紀焉故史遷不但言關雎爲風始而必 清廟必言下管象舞則亦連維天之命維清而舉之他若 夫子師摯之言以明三終之義猶國語但言文王兩君相 雅頌特取周公述文德者各三篇冠于四部之首固全詩 由庚之三此樂章之通例而四始則又夫子反魯正樂正 日閥唯之亂者正以鄉樂之亂必合樂關雎之三故特取 而舉之歌文王之三則固兼大明縣而舉之禮記言升歌 耳而歌之左傳國語歌鹿鳴之三則固兼四牡皇皇者華 三終從無專篇獨用之例故儀禮歌關雎則必連葛覃卷 金奏肆夏之三工歌蓼蕭之三鵲巢之三笙奏南陔之三

之時定 故周公作樂以歌文王之道爲後世法孔疏謂毛傳舉中 公述文王之德也周南非有天下之事義固皆係乎文王 見之樂而不及大明縣後人不察而陋之過矣曷言皆問 國風不應有王朝公卿之作但作自風人采自周公分陝 年二十 所論而季札觀樂直以大雅歸于文王之德韋昭謂文王 **周公作見于呂覽及漢書翼奉傳之所引世說荀慈明之** 明上下則鹿鳴皇皇者華從可知也大雅文王篇之為 一詩而四牡毛傳亦言文王率諸侯撫叛國而朝乎紂 于周公作樂之日故世說亦以關雖爲周公詩兩 ■/上編之二 通論四始 存而葛覃卷耳從可知也鹿鳴之三鄭譜以爲

詩古佛 勞臣下之樂而鄉飲酒禮及大學釋菜亦歌之則政自閨 是則升歌管象之詩尚有疑義乎至其施于禮樂而上 非皆明證乎周公詠文王之德而作淸廟建爲頌首見于 通用也則以其聲中其德盛其意要眇而閎深故關睢之 大明縣為兩君相見之樂者周公欲昭先王之德于天下 德與天同溢周公收其道以制法告太平于廟盛之次也 季札所歎維清之卽象舞則有小序明文而詩譜疏言文 王褒劉向之言與夫尚書大傳之述象舞之爲文王見于 王之德莫重于清廟故爲頌首次以維天之命者言文王 三本后妃房中之歌而鄉樂之亂必及之鹿鳴之三本燕

其所以聖知父莫若子故繼志述事制體樂播天下若 吾子孫之師亦天下百世所宜師也人知文王之聖不知 文武之德達太王王季文王之思慮然又以文王者非獨 宇宙败 記言升歌清廟下管象者一見于祭統之言大嘗쨰再見 之事而兩君相見亦用之清廟之三乃宗祀配帝之樂而 謂其道同終始相成史記曰天下稱頌周公言其能論歌 見四見于明堂位之祀周公廟則政又本乎君親同治乎 門行乎朝廷而達乎鄉黨邦國矣文王之三皆言王天下 于文王世子之言養老三見于仲尼燕居之大饗雨君相 一下通乎幽明矣故傳日文王基之武王鑿之周公內之 美

之作也不然者問人尊后稷以配天追王太王王季幽 篇賦之之三鹿鳴之三皆康王刺詩若**日曷不聰聽爾祖** 動次縣次思齊曷爲皆以文王之詩冠之哉故知六義本 當先于周南思文之頌當先于清廟大雅當首生民次公 文考之彝訓云爾故四始者周公達孝之極思仁至義盡 之所以王葢非偶然也若日我文考之德豈易言語形容 天無二之德雅之頌之以告百世之爲人君者若曰我周 吾文考之化乎閨門如是其親賢體下如是又精揭其配 以風上不好賢則大夫絃鹿鳴以諫其絃歌也亦必連三 而其可知者固有如斯爾厥後嗣王怠政則大臣詠關雎 1 風

雌孔氏大之列冠篇首而韓詩外傳且有子夏問關雎何 **商碩十二篇于周大師以那為首可見造端託始多定于** 于周官而四始則定于夫子如匡衡習齊詩而日孔子論 詩古波 始之以四始終之以豳王魯頌葢欲法文王而不可得 周公凡贊易刪書修春秋正禮樂罔不奉以周旋而詩則 編詩之人故曰文王旣沒文不在兹乎又日吾不復夢見 于周公制作中求之欲行周公之道于東周而不可得則 公爲風始之言聖志特創三家同詞又國語稱正考父校 一
別
雎
為
始
張
起
習
魯
詩
而
其
賦
云
深
思
古
道
感
彼
関 ||上編之二 通論四始 垂來世云爾詩亡然後春秋作文似元年 乖

南序身侯折禮之文公眾德喪翼之其呂春 清文中金和示向歌不清配日論新秋 似 美奏王者聲回之書詠肅廟上周堯以周 **世级柔海以大文和建帝公舜绳公** 猶舞子然色而力傳王崇爲 作之文作 有也明淵然致役日之推頌王詩德王詩 堂其後諸循周德讓首。褒深而之云 杜左位志周侯至公其之劉四戒頌德文 預傳皆和公以光將詩風向子成文 注季日其與奉導作云銷傳講王武世在 日札升情升祭之禮肅分日德以者說上 文見歌愀歌祀以樂雍爭周論恐親荀於相 王舞清然清太禮先顯之文日失親慈昭 周 樂象廟如廟廟樂營相頌開周天之明于 也们下復而之乎洛濟文基公下義日天 管見吃中然以濟王西詠曰也公 象文文莫後觀多旣郊交殷 旦雖 襲 毛武武不敢天上沒雜王之漢文舊 詩之諸磬作下秉周遝之未書王邦

魏源日吾言三家詩之四始也站先言闊雎之三 政定大亂致太平樂且有儀是為正小雅自文王以下至 醫以下尚有篤公劉行葦泂酌卷阿正宗詩假樂為 之 许可发 二文王之三清廟之 丁鳧鷖陳文王之德武王之功是爲正大雅夫 雅詩譜疏引其解曰自鹿鳴至壽菁者莪道文武脩小 --有四篇卡 指十有 氏用韓詩者 ||||上編之二 例篇 什文王之 一篇活畫之 三以起其信究而極之則必言關 通論四治 爲什也一何以言之 無季札觀樂為之歌小雅 一鹿鳴之

韓詩皆不然豈非二雅正始皆周公述文武之德而無成 雅首什為文武詩以南有嘉魚十六篇生民下八篇爲周 之豈非專以周公述文武者爲正雅乎且鄭譜惟以大 大雅篇皆召康公戒成王之詩而韓詩論正大雅尚不數 和之故云合樂三終而以二南各三終爲說則是六終 和之工歌葛覃則笙献采蘩和之工歌卷耳則笙献采蘋 公成王詩則前此不必周公所作後此則又于文武無與 王詩并無前人後人所作之詩乎因是以推二南之例則 證合樂周南關雎之三召南鵲巢之三爲詩六終而 合樂三終者孔疏謂堂上工歌關雎則堂下笙敏鵲

義也 魯詩論四始但舉首篇 詩好改 上編之二 爲風之正始小雅鹿鳴十六篇大雅文王十四篇爲 正始周頌當亦以周公述交武諸樂章爲頌之正始其 爲風始與大雅召公一 樂亦未是 **一以召南不言文王后妃身事故亦僅爲周南之應而** 解豈非 **| 下周公文王之詩皆同正始之** 南雖同鄉樂而奏有堂上堂下 通論四始 例乎是知韓詩以周南十 猶 毛詩周南關雎詁訓傳舉首 少三篇為始但**觀子首** 上黍離 計訓傳鄭緇衣 例韓義即魯 41.4 篇

知必有非周公之詩居後而豳頌三篇閔子小子四篇以 然則以下皆變詩乎曰以下諸詩謂之非始則可謂之非 與緇衣雅之宣王諸詩亦可為正始之餘響觀于幽風變 而凡成康昭穆東都朝會諸樂章亦可為正始之餘響等 臨以始爲義不以正爲義豈如毛詩正變之例固而難 平周碩篇次雖不可知然旣以周公文王之詩爲始則 不顯成康自彼成康之詩亦皆清廟之餘響樂章之附 則不可觀于召南召雅皆為正始之附庸則知風之 不失其正則知楚茨大田諸幽雅亦可爲正始之附庸 如毛詩以全頌皆周公所作更無他人之詩則豈

寢揚雄何以言康王時碩夸作于下耶 文為義果何說平日毛詩四始之說即其正始之說正 之基鄭謂王道與衰之所始孔謂正其初始之大道皆望 則上濫六義下違始名序又曰周南召南正始之道王 或曰毛詩大序風者風也雅者正也頌者美盛德之形容 牙门 止有三始而周頌則無始耶班固何以 其成功告于神明者也是謂四始詩之至也陳啟源謂 說即其正變之說箋疏皆闕惟成伯璵詩指說 雅頌四者卽是始非更有為風雅頌之始者果如其說 四始始者正詩也謂之正始問召二 支 上編之二 通論四始 南國風之正 言康沒而頌聲始

鳴至菁莪小雅之正始文王至卷阿大雅之正始清廟至 詩而正雅以後則烝民崧高亦與板蕩俱變矣鄭譜又分 爲義而以正變爲義故于大雅正始則濫以召公成王之 般頌之正始其說亦與魯韓相比附然惟不以文王周公 **氽薇出車則系之殷紂矣魚麗嘉魚南山有臺本閒歌三** 為文武詩與周公無與于是常棣則謂隱其事託諸文王 小雅南有嘉魚大雅生民以下爲周公成王詩而以上 詞無繼志述事之義矣又以召南及周頌皆全列正始 例矣大雅假樂旣醉鳧鷖與文武無與遂同諛頌禱祝之 上屬交武其二下屬成王逐乖樂章連用之 4

诗与散 稱成王成康之頌皆以訓詁易諡號矣果如其說何不 亞于二南房中之 何彼穠矣之美王姬幽風七月述公劉太王旣列樂章何 |正變之例如以其世則二南豈不當殷之末季爲商紂 國風何以爲正如以其詩則淇奧美武公之德何讓于 雎爲風始乎曷不曰問頌爲碩始而曰清廟爲碩始乎 四正而謂之四始乎魯詩曷不曰二 則以後即有不變者亦不得不謂之變可以爲四正不 公為四始四始之說似嚴而實大四正之說似寬而適 太姒在周南為后如在召南為夫人平王齊侯之 /上編之二)樂而獨爲變葢毛詩旣以正者皆謂之 通論四始 一南為風始而獨

手占数 文志崇文總目所載至齊魯則亡人矣而晁說之詩說謂 **誼也以文王時諷諭王室之詩施之後王者國史之旁誼** 非詩人之本誼也考關雎之為刺時魯詩則見于史記漢 康王時詩尤大不可葢吟詠性情以諷其上者詩人之本 **誼兼諷刺則可謂刺康王則不可並誣三家以正風雅爲** 說安出日 家詩以關雎之三鵲巢之三鹿鳴之三皆刺康王詩其 劉向楊雄張超之著述韓詩則見于後漢書明帝之詔 北宋惟韓詩尙存見于御覽集韻所引及新唐書蓺 四始義例篇三 /上編之二 通論四始 一南及小雅皆當殷之末季文王與紂之時謂 Ē

宗廟主魯詩則史記外戚傳序日易基乾坤詩首闊雎書 徵引三家有畢公賦關雎以刺康王之說因意刺時者卽 楊賜之傳馮衍之賦鹿鳴之為刺詩則亦見于史記王苻 刺康王且并意鹿鳴之諷刺者亦爲刺康王皆道聽之說 配君子言能致其貞淑不貳其操然後可以配至導而爲 雎爲始言太上者民之父母后夫人之行不侔乎天地則 非親見三家之本也考齊詩匡衡之疏曰孔子論詩以關 分別觀之晁氏但見韓詩有關雎刺時也之序又見他書 無以奉神靈之統而理萬物之宜是以關雎樂得淑女以 夫論蔡邕琴操之稱引其閒有本義有旁義在善學者

語出版 徒以晏朝之刺蔽之乎學記大學始教皮升釋茶育雅肄 道之原不外是矣三家詩發明關雎正始之義爲何如而 之所繫羣生之所托命也子其勉之思服之生民之屬王 惟昏因為兢兢夫樂調而四時和陰陽之變萬物之統也 天俯則地幽幽冥冥德之所藏紛紛沸沸道之所行萬物 **有華皆君臣燕樂相勞苦之詩叉燕禮注曰鹿鳴者君與** 鄭康成日宵之言小也肄小雅之三謂鹿鳴四牡皇皇 一臣及四方之賓燕講道修德之樂歌也歌四牡采其勤 (釐降春秋譏)不親迎夫婦之際人道之大倫也禮之用 不慎與韓詩外傳夫子荅子夏之問日關雎詩人仰則 上編之二 通論四始

武公刺王室以自戒行年九十猶使日誦是詩而不離其 取上或取下則其義不全而或異于毛矣又如侯芭云衞 佐君子即為諷時之義但在文王國中為正風正雅香在 詩韓序祗云關雎刺時也未嘗言刺康王則是思賢妃以 詩考引韓詩云夫移燕兄弟也閔管蔡之失道也引者或 孰謂鹿鳴之三為周衰刺詩乎葢三家詩序不止一句如 勞王事忠孝之至以勞賓也歌皇皇者華宋其自以不及 欲咨謀賢知自光明也鄭<u>注禮皆用</u>魯韓詩而其說如此 側亦兼二義使但引刺王室句則謂韓義同于毛矣政知 二家旣以關睢鹿鳴與文王淸廟同為正始必非衰周之

高宗殷所以與作商頌而又以那樂作于宋襄公之世因 志謂賦詩或造篇或述古魯韓詩明言正考甫追道契湯 不類糾合宗族而作常棣杜預謂周公作詩召公歌之鄭 序云美襄公服虔言素仲始有車馬禮樂侍衞之臣戎車 製公蓋古者旣以詩被樂章後王有忘祖荒政者則國史 **牡田胤之事其孫襄公追錄其先世詩而毛序因謂美** 在盛世歌之為正風正雅者在衰世歌之即爲變風變 為周文公之詩而內傳富辰則又謂召穆公思周德之 此畢公刺康王之旁義也左氏外傳明引兄弟閱牆一 大 通論四始 誘

喻君父此陳古風今之明證察岂琴操則明云鹿鳴者問 明云康王晚朝內人誦關雎詩以刺王不云作以刺王至 **政以致中典者則事雖述古功同創作故國史附之詩序** 授之矇瞍奏以諷諫其有因此感悟如姜后脫簪宣王勤 道威彼關雖德不雙佔但願周公妃以窈窕防微杜漸 述為盛事以歸功于樂章之用詩教之神是以薛君章句 古風今之明證不但此也文選注引韓詩曰伐木廢則別 、臣見王道衰不能養賢故彈琴以諷諫歌以感之叉陳 超初學則明一云周德將衰康王晏起畢公穆然深思古

耶呂祖謙馬端臨送謂三家詩駁磼不經然則左氏亦未 據六月之序.謂毛詩以正小雅皆刺時在宣王北伐之後 伐木廢則朋友缺矣天保廢則福禄缺矣小雅盡廢則 見常棣古序耶由斯以推則陳暘樂書引古琴曲云鵲集 夷交侵中國微矣則齊魯韓毛同軌合轍後人不見三家 全經徒據他書所引旁義以爲本義且并旁義失之亦將 | 邵國男悅貞女而作文選注引琴操日騶虞者邵國 二十九 也古者君子在位役 行役故作是詩者聖王在上君子在位役不踰時不行役故作是詩大周正樂日赐虞操者邵國女作也 下廢則忠信缺矣。 邵國之大夫

匈奴使干戈至今未息萬里設備此兔迢斯般後木有皇皇帝朱紫不言宗族鹽鐵論備胡篇云好事之臣才是是接琴而歌。浩尹言耳與鐵論備胡篇云好事之臣才是是接琴而歌。浩尹言耳 鳴之刺其爲賦古諷時歟抑或借周諷商歟非皆關雎刺城腹心也蒸邕正交論云周德始衰頌聲旣寢伐木有鳥 樂官備何當以聯虞為刺詩耶齊詩小雅 時之例歟不然齊詩越草蟲 有以鵲巢朵蘩寫純 耳作援悅姓 正毛詩采薇出車之 刺詩者耶韓魯詩以騶虞爲歎仁 外賽 女夫 **四班旅篇云背宗族五**久怨于內內迫性情况 而取采蘋與儀禮樂章 四始篇弟與樂 而采蘩怨琳 外 迫 禮萬 儀民

17.7月毛序合量反以鹿鳴伐木爲刺詩耶周本紀懿王 玉室逐衰詩人作刺烏有康王時刺詩已作耶後儒以 緯汎歷樞固非四始本義然其說亦可得聞乎曰漢時古 **雎鹿鳴刺時病三家者不知三家詩序之義抑豈知毛詩** | 莪十六篇皆文武詩爲小雅之正始又以夫移爲周公燕 章之古法特又以律配歷分屬十二支而四之以爲四始 樂未煙故習詩者多通樂此葢以詩配律三篇一始亦樂 大序之義耶· 兄弟與左氏毛序合又曰伐木廢則朋友之道缺文選與 日詩疏及漢書注質奉郎引齊詩四始五際之說出于詩 一人上に何クニュー 百分り口い

語古為 縣爲亥季四牡在寅爲木始則知鹿鳴爲寅孟皇皇者華 與三期之說相次如大明在亥爲水始則知文王爲亥孟 爲寅季嘉魚在巳爲火始則知魚麗爲巳孟南山有臺爲 知正始本義而以緯說爲四始哉 篇次發微然齊詩匡衡日孔子論詩以關雎寫始則豈不 舉中以統孟李者猶關雎之以首篇統次三也具詳小雅 巴季鴻雁在申為金始則知吉日為申孟庭燎為申季其 **治言见女**

與紂之 也求之不得寤寐反側車華令德之 呼、關 与败 是 棄先祖之正聲變亂新聲怡說婦 鼓鐘之 北雞之可晨耶故愼固 故 時 雎 **邓**關雎刺時所 時歟其思后妃之德歟詩 鹿鳴之 上編之二 危者使平良 其當殷之 時汝墳詩 通論四始 刺 何時豈 而不傷 公窈窕之 幽深·擊而 末世周之盛德耶當文 人也 好逑則念傾宮而 也 人懷父母之 易者使傾樂而 思也鐘鼓琴瑟 有別傾城巧笑 思賢妃之 靡靡之 樂作 ~ 液德 邇

勞反側也文王求之歟詩人求之歟文王之憂哀歟詩 傷其愛正與車鞷同旨不然樛木螽斯麟趾鵲巢彼 時用韓詩其釋哀而不傷云哀世夫婦不得此人不爲滅 文王后妃者夫何哀也夫何傷不傷也夫何求之不得憂 **序詩則止** ,詩則止曰后妃之德而不言美后妃之德馬止曰刺時一憂哀歟宜百世之泯泯棼棼也七十子傳其微言故其 不言刺何時焉周公播諸禮樂以風化臣庶覺悟後 一一國諭之情島能歌之而感悟而流連乎周以 爲是詩者其有憂患乎樂而不淫哀而不傷鄭注論語 ŧ 一晏鳴則歌之袵席有缺則歌之苟非詩 日后妃之德而不言美后妃之德馬止日 人有忠

計与文 若關雎之 罪聞之者足以戒故日風是毛詩關雎大序亦<u>以</u>為 **諷與刺有以異乎無以異乎毛詩傳曰后妃愼固幽深** 世. 言能致其貞淑不貳 上以風化下 上編之二 有别焉然後可以風化天下夫婦 則君臣敬君臣敬則 則 日風 統而理萬物之 者民之父母后夫 風也以諷 通論 其操然後 風 利上 釋風也字 釋風 斯故韓詩 四 朝 廷正 始 交 此所以風天 前廷正 序則日 加 配至算而為宗 涵練言之者 秉 有别則父子 乎天 則王 關 下而 雕 地 刺 時

安志明今時大人內傾于色賢人見其萌詠關雎說淑 人九侯鄂侯不能爭比干箕子不能悟計無復之而望及 言せる 序后妃之德有以異乎無以異乎彼昏日富婦言是聽之 幾以配上忠孝之篤仁厚之作也薛君章句日詩 廟主韓詩杜欽日后妃之制天壽存亡之本也故詠淑 鳩貞潔愼匹以聲相求隱蔽于無人之處故人君退朝入 一容儀以刺時是齊魯韓皆以關雎爲思賢妃之德與毛 私宮后妃御見有度應門擊柝鼓人上堂退反晏處體 窈窕好逑琴瑟之默助其意彌曲其詞彌惻其告彌忠)矣被言刺晏朝者得其流而未 雎

卷耳四壮之諷體臣亦然王事<u>靡</u>鹽不遑 个淫于關雎之三|見之小雅 勞而惟四方之多罪逋逃是崇是長是信是使或棲 不然何不日變雅怨誹乎卷耳之志猶四牡之志冤宜 (徒訴于文王 仰或王事鞅掌詩日是用作歌將母來診言文情哀豈 之志循 哉其忠告于紂者至矣故 質器大 一志汝墳殷其靁摽梅之志循冤覓 怨誹而不亂于 四人 飲酒 被 類 者 (將父不) 日國風好色 鹿鳴之 南

得習及治 在魏心城 也 家也 落.朝文也腹食文說是而 也帝 使 之選 三 而 瑶臺 白襍 故薦 帖許宵 冤譙 引注 且彦退 征 諸役章 肅日 肅些野。詩注 鐵時 斜 玄賢 此人 燕兔退而 置于 斯于防。 所山 者 刺林 令.之摽 非獸 宋 年有 梅 選文干而

也柔順與貞以蒙大難陰行善事朝不保夕形諸詩者喜不當為諷刺幾同盛唐應制之什曾亦思文王之時何時 **麟趾之時關虞古操言召國大夫久于行役男女怨曠則** 匍 **加生于其時哉叉何幸而生于其時哉說詩者何以一南** 為湯火一以爲化日怨而不敢怒懷而不忍叛何不愈救之其時爲之臣民者如燬沸其前父母厪其後 知其服事之苦心哉麟趾序云衰世之公子皆信厚如 風誦詩而不尙論其世不知文王救民恤 時悲威乘于 王勞來旋定安 7-1-0R X 1-1 志在周國為正風者在商世為 ĺ 解自西自東自南自北奔走 **入月** 日 公丁 下之苦心易

誼也亦惟序關雎刺時者知之一南末章皆以吁嗟之詞 時者知之易之興也其于中古乎作易者其有憂患乎斯 終之言有文爲聲有哀爲漢儒以三百五篇當諫書 咨咨女殷商殷監不遠在夏后之世斯誼也惟序關雎刺 **卯壞宮室以爲汙池廢田以爲園囿沛澤多而禽獸至方** · 刑炮烙草芥其民曾文王國中鳥獸之不若矣文 除篇亦可以當股紂時諫書矣太史公讀春秋歷譜 | | YEAR 也或作王道亦可一詩人本之雅席關師幹針箕子而言之詩人本之雅席關 进言 D 銀著而箕子烯周道缺 女

即哀而 箕子同列葢今文家說擊當殷紂時與夷齊商容 詩古教 殷周之際豈獨關雎鹿鳴而已乎故曰詩三百篇皆仁 餘 八發憤之所爲作也擊而有別即樂而不淫寤寐反側 領首清廟而肇漣于多士之駿奔四始皆致意千 不傷近儒說論語者見序箋所說哀樂之義 放師擊作樂之始甫聞關雎之亂葢 歸周韓詩外傳 **脱台夫反** 關雎之 洋盈耳之日正靡靡溺音之時亦以太 側憂勞豈得謂專樂無哀旣 而言之關雎葛覃 大雅首文王而往復于殷命之 通論四始 有瞽在周之 岩 樂而不淫卷 加開班 一個個

則必有所爲言之也女史歌之 側堪哀且哀而恐至于傷乎岐周國盡于渭 **云在河之洲明為陝以東之風非周國所采況謂作于宮** 八女史其可通乎關睢房中之樂后夫人侍御于君女史 之以節義序豈惟有頌美無諷諭乎毛序但云后妃之 數十年而猶求之不得寤寐綢繆何爲乎若謂后如 可不紬其所哀何事乎文王化行 則以文王之聖又得太姒之 則日求賢 不云美后妃之德而後人强以求之爲美之乎故誦 妮 他而所以求之若斯其迫得之若斯其難 以節義序曚瞍奏之 助即未更得賢嬪豈遂 二南之 地不至 河而 歸周 求

F 時見之矣 重之愼之 也若 重之愼之難之也造端夫婦而察乎天地吾于關雎不修家之齊不齊國之治不治未有要于斯者是以 ì 毛詩 ł 關雎. 川同也 故 德風 日夫婦之始 后妮 明天 從下 用之 序義任 上にという 之德也 鄉沈之 用之 重風 恶 人倫之 無 好風 通背讀 用之 如縣風有字雀之得 風 得 始 非是廣 本 讀諷字 邦 其 也 國 也.本 首 : ! ! 焉. 所 旨 風·韻從以 者詩 風集徐也。韻讀 于或出 風 故 注出 天 皆 至 而 庶 申 而 也·風諷 口 人身 諷是 風 風 之自 正 云議 連也 以 文陸 序其動

討占彼 詩 風詩說為風其也古馬其 者·止風苑誼與情傷以鄭事 派 祖 形 情聲也 歌 于言言之 依永 風諫引後諷之雄風之以 曉文孔人勸過論焉羔風 列 志之所之 謭 **4** · · · · · 風選子不之也既皆裘 故 歌詠書 知諷教勸 足. 也·之之詠諷皆以百 古言 故嗟歎 為 知 文作有諫同化而刺君君 W 節詩言志 指諷五為· 17 mil - 1 不勝屈蔥 諫吾風字歸一 之嗟歎之不 勝詩其之而 屈凡從誼園 則之風役 為永福製 **颜史** 展而 風
 師記 諫大以 足 風朝 正序是焉夫 為詩情動 蹈 漢 言風亦思 古 平序諷也 足故永 之爲 皆書漢即為古諷即 依永 讃 風書 誼者以誕 諭韋可雅風動之 風訊飆空 皆終論数 如 歌 調風孟讀以氣之明故以 顶 告作矣正之 匡訓陳風 即

寺に後 營和出謠工文也美 喻詩其考誦子此惡 以誼言百諫日專字 罪·體詩 和 夫 团 上以風化 婦. 亂 風. 孝敬厚 于古指離 朝之正縣 下, 賦 在王風皆 二宫不風問列者而讀 戒. F 倫. 商當諫謗者政言去 故 四 比. 通以有教譽獻德故聲 感 風 教化 四 刺 源孤戒于诗既有也 鬼 日 上 鬴. 四為刺與路風成上主化 [典五日] 大有聽又以文字無 風俗故 喧聽風話皆四 言之化諫同聲 雅. -2 譎 諫 里 循訊 違化鄭戒妖是晉釋好刺 通以 與刺箋之群乎語諷惡與 為不術于使范義

之不廣雖以及主母庭王裝誼同序序雎當言文序 用南鵲後認為四如與推義言所思之者之相 **猶雅巢世談彼牡燬牝之豈刺以賢末惟化背** 知召入采舉無馬皇尤雞葛得時**諷**如世召 毛穆樂繁公罪屠華其司覃囚不天之文市 冤刺足僕即深晨之後言下詩王 且朝戒痛卷切為勤人刺 亦騶而未而耳著反儉康何 虞詠有上體明對以王時夫舝之矣 臣者標佐晏與婦 **唯正知恤也梅君朝齊** 旨謂本皆大風恤下正之子之詩諷故 可夫正者之風怨卷旁匡與韓在皆 小獨思如曠耳義衡利 絃雅何是此逾憂 認以之心用正時臣并詩以刺意 乎作雅汝 鹿者是歌可填之其序乎也彼二 時情推什鳴也則將知之勤本正韓

宇占设 國 迹 以 發 傷人倫之廢哀刑政之苛吟風剛然無疑其前不言正雅 書 民之 而懷 亦語獻之 也. 香俗者 無論 葢詩 平禮 矣 風 也故變風發平情 議先王之紀 小之掌典 東 裏 邦史 星 詠性情以 也者 也職 國史明乎得失之 奠志師同 則 奠箴情 四日 言此變段 風 言變 其上 禮 誦麗日訊型 義

之周公南三 政之 四始詩之至也然則關雎麟趾之 **頚者美盛德** 雅 展也先 風形 所由廢與 所方 諷之 之 之 者風 心也政 形容以其成 化 自北 者之毛衰易雅詩 有 秋枚繫之召公周南召 山而南也龍巣騶虞之 徳 脈 雅也疏始始之者之 故 功告于神 孔四即 說 者諷 之缺說謂豫是 最 化王者之風故 即正而始不 雅馬有 其乃更可 明者也是 謂無 E 願 徳諸侯 南. 四爲啟 雅 說大始風源

きずる 他何誼爲则乖才則其比之人責愈后是隔而未色關義 而篇遠與周雅 淫其色 哀窈窕. 一上編之二 陳得睢宏善此葢傳者 爲分 、附心序論如 關 雎樂得淑 思覺 源途之盆鄭乃設說序化 從周 通論四始 以意也箋易樂樂小之 而 無 指淑序不憂淫之衞上 傷善 之德敬為 配君 云道盆語無仲大 而后關威以而不坿序。 之 류 心 此詩妃雎哀哀于和盆此 焉 是 關 衷窕而又为 孔晦疏淑爾思不不序說 進 序指變正 疏毛述女以賢傷淫之關 雎

詩古微上編之二					1	
						12